

Broj: 07-45-1-772-2/26 RS  
Sarajevo, 19.2.2026.

**BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE**

n/r Editi Kalajdžić, tajnici Vlade

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

27 02-2026

Primijeno:			
Org. jed.	Broj	Priloga	Vrijednost
05/1	-02-	40	126

**PREDMET:** Odgovor na inicijativu Kajan Sanela, zastupnika u Zastupničkom domu Parlamenta Federacije Bosne i Hercegovine

**VEZA:** Vaš akt broj: 03-04-88-4/26 od 05. 02. 2026. godine

Poštovana gospođo Kalajdžić,

Postupajući sukladno aktu Vlade Federacije BiH, broj: 03-04-88-4/26 od 05. 02. 2026. godine, a u vezi s dostavljenom inicijativom Kajan Sanela, zastupnika u Zastupničkom domu Parlamenta Federacije Bosne i Hercegovine, koja je dostavljena aktom predsjedatelja Zastupničkog doma Parlamenta Federacije BiH, broj: 05/1-02-40/26 od 04. veljače 2026. godine, a koja se odnosi na hitnu rekonstrukciju Partizanskog groblja u Mostaru i osiguranje njegove kontinuirane zaštite, dostavljamo sljedeći odgovor:

Nacionalni spomenik Graditeljska cjelina – Partizansko spomen-groblje u Mostaru („Službeni glasnik BiH“ broj: 90/06 i 82/19) je u nekoliko navrata više ili manje devastirano. Agencija „Stari grad“ Mostar je uz pomoć sredstava iz više proračunskih izvora u nekoliko navrata vršila sanacione radove i pripremala određenu tehničku dokumentaciju za potrebne konzervatorsko-restauratorske radove kao i za radove na zaštiti i prezentaciji kompleksa.

Nakon 1995. godine na Partizanskom spomen-groblju su, u većoj ili manjoj mjeri, tri puta vršeni konzervatorsko restauratorski zahvati. Prije devastacije iz 2022. godine, obnovljeno je 150 ploča sa imenima poginulih, očišćen je kompleks od grafita i osigurana sredstva za fizički i video nadzor za određeni kratki period.

Devastacijom u srpnju 2022. godine je potpuno uništeno 650 kamenih ploča sa imenima poginulih. U Izvješću nakon devastacije naglašeno je da je za sveobuhvatne radove na zaštiti i prezentaciji ovog nacionalnog spomenika potrebno izdvojiti značajna sredstva.

Sukladno Izvješću kontinuirano se nalaze sredstava i fazno se osiguravaju uvjeti za umanjenje rizika od vandalizma. Do sada su djelomično ili potpuno implementirana sredstva za:

1. Obnovu objekta suvenirnice i njemu osigurana soba za video nadzor,
2. Instaliranje opreme i uspostavljen je sistem video nadzora te osigurana sredstva za patrolni fizički obilazak kompleksa (ugovorna obveza do 15.6.2026. godine),
3. Aktivirana je ulična rasvjeta.

Završen je upravni postupak dobivanja Urbanističke suglasnosti za izgradnju ograde Partizanskog spomen-groblja u Mostaru. Očekuje se realizacija projekta u ovoj godini.

Povjerenstvo za očuvanje nacionalnih spomenika Bosne i Hercegovine je nakon gore navedene devastacije bilo stava da se konzervatorsko-restauratorski i radovi na rekonstrukciji ne trebaju vršiti do osiguranja kompleksa od kulturnog vandalizma, smatrajući da u ovom trenutku nacionalni spomenik svjedoči o stanju društva i njegovom odnosu prema memorijalnom području.

Kako se privode kraju operativne mjere fizičke kontrole kompleksa, potrebno je raditi na osiguranju sredstava sa za vraćanje autentičnosti prostora i simbolici koju ona nosi.

U narednom razdoblju bilo bi uputno osigurati sredstva za:

1. dugoročni kontinuirani video nadzor i fizičku zaštitu kompleksa,
2. izradu projektne dokumentacije i izvođenje konzervatorsko-restauratorskih radova,
3. izradu projektne dokumentacije i izvođenje radova na hortikulturi i vodo-natapnom sistemu.

Federalno ministarstvo kulture i športa i Zavod za zaštitu spomenika nemaju ingerencije da „nalože“ drugim razinama vlasti ili institucijama, aktivnost koje trebaju da provedu, Ministarstvo je stava da se svaki oblik vandalizma može prevenirati i da štete prethodno izvršenih vandalskih radnji mogu biti umanjene i otklonjene.

S poštovanjem,

  
**MINISTRICA**  

---

**Sanja Vlasisavljević**

Co: Federacija Bosne i Hercegovine  
Parlament Federacije  
Zastupnički dom  
N/r: Dragan Mioković, predsjedatelj  
Hamdije Kreševljakovića 3, 71000 Sarajevo